

Axudas para o persoal docente e investigador adscrito ao Campus Industrial de Ferrol para financiar persoal investigador estranxeiro

1. OBXECTO

Esta acción pretende incentivar a visita de investigadores/as estranxeiros/as ao Campus Industrial de Ferrol da Universidade da Coruña (UDC) con vistas a favorecer a internacionalización deste campus e as relacións con outras universidades. Agárdase, ademais, que no marco da visita a persoa investigadora poida ofrecer un relatorio no Campus Industrial de Ferrol para favorecer a relación co resto do persoal investigador.

Para iso convócanse bolsas de axuda á viaxe de relatores estranxeiros até o Campus Industrial de Ferrol, que deberán ser solicitadas por persoal investigador adscrito ao devandito campus.

2. FINANCIAMENTO

O financiamento desta convocatoria, por un importe máximo de 2000 €, efectuarase con cargo á aplicación orzamentaria 090044F100 541A 6400004, do orzamento do Campus Industrial de Ferrol para o ano 2022.

O importe máximo de cada axuda será de 500 €.

3. REQUISITOS DAS SOLICITUDES

Esta convocatoria rexe axudas aos gastos de aloxamento e manutención de investigadores/as estranxeiros/as que visiten o Campus Industrial de Ferrol.

A data da visita debe estar comprendida entre o 1 de xaneiro e o 10 de outubro de 2022 (debido ao período de xustificación da axuda e a prazos internos de tramitación).

Os gastos que se imputen a esta axuda non poderán ser xustificadas noutros proxectos, fondos etc. Así mesmo, esta axuda é incompatible con calquera outra concedida para a mesma finalidade.

Só se concederá unha axuda por investigador/a, agás que se dispoña de crédito.

4. REQUISITOS DAS PERSOAS SOLICITANTES

Para poder participar nesta convocatoria as persoas solicitantes deberán estar adscritas ao Campus Industrial de Ferrol e ser tanto membros permanentes como non permanentes.

5. FORMALIZACIÓN DAS SOLICITUDES

A solicitude de axuda realizarase enviando a documentación requirida (anexo I) ao correo electrónico investigacion.campus.industrial@udc.gal. Ademais, poderá presentarse en calquera dos rexistros que indica o artigo 16 da Lei 39/2015, do 1 de outubro, do procedemento administrativo común das administracións públicas.

As solicitudes que se presenten por procedementos distintos dos previamente especificados resultarán excluídas.

O prazo de presentación de solicitudes será de 10 días hábiles desde a publicación da convocatoria.

6. CONCESIÓN DAS AXUDAS

As axudas atenderanse por rigorosa orde de chegada de solicitudes, pero tendo en conta que se financiará unha axuda por persoa investigadora, agás que se dispoña de crédito. Se hai que discriminar entre máis dunha petición, primarase aquel desprazamento de persoal investigador que encaixe nalgunha das liñas de interese do Campus Industrial de Ferrol, que son as seguintes:

- Robótica industrial
- Materiais
- Optimización de procesos industriais
- Enxeñaría naval e *offshore*
- Xestión industrial
- Desenvolvemento do produto

7. COMISIÓN DE SELECCIÓN

As axudas serán concedidas, segundo os requisitos formulados nesta convocatoria, por unha comisión composta polas seguintes persoas:

- a) María Jesús Movilla Fernández, vicerreitora do Campus de Ferrol e Responsabilidade Social
- b) Ana Isabel Ares Pernas, directora do Campus Industrial de Ferrol
- c) María Eugenia Díaz Caneiro, técnica de internacionalización do Campus Industrial de Ferrol
- d) Armando José Yáñez Casal, coordinador da Comisión de I+D, Transferencia e Relación coa Sociedade

8. RESOLUCIÓN DO PROCEDEMENTO

A lista de solicitudes admitidas e excluídas publicarase na web do Campus Industrial de Ferrol. Tamén se lles comunicará esta admisión ou exclusión ás persoas solicitantes por correo electrónico.

As persoas solicitantes disporán de tres días naturais, que contarán a partir da data da publicación da lista, para emendar as solicitudes en que cumpra completar a documentación. No caso de non se emendar a solicitude, considerarase que as persoas solicitantes desisten do seu pedimento.

No momento en que se esgote o orzamento disposto para esta convocatoria tamén se indicará na páxina web do Campus Industrial de Ferrol.

9. OBRIGAS DAS PERSOAS BENEFICIARIAS

As persoas beneficiarias deberán organizar a viaxe da persoa investigadora como moi tarde no mes seguinte á concesión da axuda.

O incumprimento desta obriga dará lugar á perda do dereito á axuda.

10. INCUMPRIMENTOS

A eventual ocultación ou o falseamento de datos, ben como o incumprimento total ou parcial dos requisitos e obrigas establecidos nesta resolución e nas demais normas aplicables, ou das condicións que, de ser o caso, se establezan nas correspondentes resolucións de concesión, darán lugar á revogación da axuda, o que comportará o reintegro das cantidades percibidas na súa totalidade.

11. RÉXIME DE INCOMPATIBILIDADES E RENUNCIAS

A desadscripción ao Campus Industrial de Ferrol das persoas investigadoras no prazo de execución desta axuda dará lugar á súa perda.

13. PROTECCIÓN DE DATOS

En cumprimento do artigo 13 do Regulamento (UE) 2016/679, do Parlamento Europeo e do Consello, do 27 de abril, relativo á protección das persoas físicas no que respecta ao tratamento de datos persoais e á libre circulación destes datos (Regulamento xeral de protección de datos ou RXPd), e do artigo 11 da Lei orgánica 3/2018, do 5 de decembro, de protección de datos persoais e garantía dos dereitos dixitais (LOPD), informámolo/a de que os datos que a persoa interesada facilite mediante a concorrencia a esta convocatoria serán tratados baixo a responsabilidade da Universidade da Coruña (UDC), cos seguintes datos de contacto: rúa da Maestranza 9, 15001 A Coruña, teléfono 981 167 000, correo electrónico secretariaxeral@udc.gal.

A solicitude dunha axuda para o alumnado con necesidades educativas especiais implica a aceptación do contido da convocatoria e a autorización para que os seus datos persoais sexan utilizados pola UDC coa finalidade da correcta xestión das bolsas. Todas as persoas que entren en contacto con estes datos co devandito fin cumprarán o deber de confidencialidade establecido no artigo 5 da LOPD.

Mediante a concorrencia a esta convocatoria, a persoa interesada consente expresamente a publicación dos seus datos na resolución da solicitude nos taboleiros físicos da UDC e dentro do taboleiro electrónico oficial da sede electrónica da UDC, na forma prevista na disposición adicional sétima da LOPD. A resolución desta convocatoria permanecerá publicada en tales taboleiros. Os datos persoais serán conservados mentres resulten necesarios para as finalidades do tratamento e, en todo caso, durante os prazos establecidos pola lexislación vixente, sen prexuízo do previsto en relación co exercicio do dereito de supresión e outros dereitos recollidos na LOPD.

A persoa interesada consente o tratamento dos datos para os efectos de cumprir coa finalidade descrita nesta convocatoria, e terá dereito a retirar o seu consentimento en calquera momento, sen efectos retroactivos. Ten dereito a solicitar ao responsable do tratamento, en calquera momento, o acceso, a rectificación ou a supresión dos seus datos persoais e a limitación do seu tratamento. Tamén terá dereito a opoñerse ao citado tratamento, así como a solicitar, salvo casos de interese público e/ou exercicio de poder público, a portabilidade dos seus datos.

Tales dereitos poderá exercelos mediante solicitude remitida ao seguinte enderezo: Secretaría Xeral, Reitoría da UDC, rúa da Maestranza 9, 15001 A Coruña, ou ben ao correo electrónico secretariaxeral@udc.gal, coa referencia «Protección de datos», a través dun escrito asinado para o efecto co cal achegará unha fotocopia do seu DNI. Igualmente poderá dirixir esta solicitude directamente á persoa que sexa a delegada de Protección de Datos, ao mesmo enderezo postal antes indicado, ou ao correo electrónico dpd@udc.gal.

Así mesmo, ten dereito a presentar unha reclamación ante a Axencia Española de Protección de Datos (AEPD).

A vicerreitora do Campus de Ferrol e Responsabilidade Social
María Jesús Movilla Fernández

Anexo I. Impreso de solicitude das axudas para o persoal investigador estranxeiro

DATOS DA PERSOA SOLICITANTE:

Nome e apelidos:

.....

NIF:

.....

Departamento ou grupo de investigación:

.....

.....

DATOS DA PERSOA INVESTIGADORA ESTRANXEIRA QUE VISITARÁ O CAMPUS INDUSTRIAL DE FERROL:

Nome e apelidos:

.....

Centro de procedencia:

.....

País de procedencia:

.....

BREVE DESCRICIÓN DAS ACTIVIDADES DA VISITA:

Autorizo ☐ SI/ ☐ NON a publicación dos datos persoais relacionados coa tramitación desta convocatoria, conforme ao que establece a Lei orgánica 3/2018, do 5 de decembro, de protección de datos persoais e garantía dos dereitos dixitais.

Data e sinatura da persoa solicitante e do/a investigador/a responsable: